

龍壁山房文集

龍壁山房文集目錄

卷第一

周平王論

叔孫通論

董仲舒論

汲黯論

韞縣井田論

保身論

定說

大學格物解

卷第二

擬上某尚書書

與彭子穆書

與朱伯韓御史書

復陳冀子丈書

與梅伯言先生書

復唐先生書

上壽陽師相書

卷第三

擬辦粵西賊策

防堵四策

卷第四

存恕堂遺詩敘

族譜後敘

先大父端溪研後敘

懺齋詞稿敘

送龔茂田敘

送蘇虛谷敘

贈雲亭山人敘

贈東臺山人敘

龍壁山房詩集自敘

贈姚子箴宰懷來敘

贈龍翰臣修撰典試廣東敘

贈余小頗出守雅州敘

送陳伯淵赴官東河敘

贈范百崇學博敘

贈王質夫南歸敘

送汪仲穆敘

贈畫者王友珊敘

武夷山志敘

甘太孺人壽詩敘

李太安人壽詩敘

王太夫人壽敘

蔣宜人壽詩敘

卷第五

龍樹寺壽讌圖記

陳將軍畫像記

遊百泉記

夜登蘇門山記

遊衡山記

石魚山記

遊天湖山飛水潭記

羅浮觀瀑記

山塘泛舟記

韓齋雅集圖記

蘭渚遊記

待蘇樓記

憂碁課誦圖記

陳抱潛授研圖記

南歸錄

檀江王氏族譜引

王剛節公家傳跋尾

桂林陳文恭公家書跋尾

書歸熙甫集項脊軒記後

卷第六

閔貞婦傳

袁樂忠傳

王節母傳

袁孝婦傳

祝佩五傳

計叅龍傳

池司業廟碑

誥授建威將軍廣東陸路提督瑚爾察巴圖魯諡
勤勇曾公行狀

誥授朝議大夫戶部江南司郎中湯君行狀

先大父行實

先考妣行實

張安人述

舅氏鳳千公事畧

記周孝子事

卷第七

吳先生墓志銘

龔孝子墓志銘

松滋令張君墓志銘

誥授振威將軍提督銜浙江定海鎮總兵諡壯節

葛公墓志銘

劉孺人墓志銘

東城兵馬司指揮劉君墓志銘

誥授文林郎四川南川縣知縣蔣公墓志銘

朱孺人墓志銘

廣東遂溪縣知縣曹君墓志銘

翰林院編修梁君墓志銘

宗立人墓志

劉茂林墓志銘

陽宜人墓表

劉母墓表

知府銜龍州同知王公墓表

陳冀子墓表

彭子穆墓表

翰林院編修曾君墓表

翰林院檢討時君墓表

誥授朝議大夫前直隸廣平府知府楊公墓表

卷第八

黃先生哀辭

秦先生哀辭

張亨甫哀辭

石子英哀辭

黃香甫哀辭

賴子瑩哀辭

戶部郎中丁君哀辭

祭王文恪公文

告區室醴文

陳將軍義馬贊

右龍壁山房文百有二篇次爲八卷凡八萬四千餘言
馬平王定甫先生錫振之所撰也先生一字少鶴以文
行名一時旣歿而遺文放失不可復睹師儒閔焉歲已
巳余居京師嘗從敝肆得先生今橐中所孱易累半旣
官湖南懼遂淹淪思永厥傳以曉學徒光緒庚辰改官
河朔迺以授刊明季九月而工竟爲之紆曰自有明歸
氏擅歐王之傳獨以古文辭義法推重于世入國朝

方先生苞文之以經術其言蓋尊于時其鄉劉氏大櫬
姚氏鼐之徒申引推大煽而愈張海內宗之所稱桐城
宗派是也方劉旣俎姚先生歸然爲老師徒黨相和桐
城家之言幾徧天下後數十季上元梅曾亮氏最稱高
足弟子復守姚氏之緒講藝京師四方魁桀篤敏之士
萃焉當是時梅先生之學大昌頗踵跡姚氏先生亦與
其鄉朱氏琦龍氏啟瑞治術業相高且于梅先生游處
講習最號爲有名者也竊以文章之不敝亦不敝于其
心之所至而已涵諸古而不誣徵諸已而不餒其一時
興廢盛衰之間類曹好曹惡異同攻尚之習競以爲勝

非君子所汲汲也桐城家之言興相獎以束于於一途固已嚴天下之辨矣而墨守之過狃于意局或稍無以厭高材者之心然而其所自建立究其指要準古先之言皆足達其心之淑懿條貫于事物倡一世于物則樂易之途以互殫其能而不爲奇袤詭辨淫志而破遁階于浮夸之尤傳曰言有宗出辭氣斯遠鄙倍蓋庶幾有取焉先生早孤育于姊通雅練世事旣位于 朝益務自見咸豐紀季寇亂起鄉里先生憤切從軍湘粵間所畫策時帥不能用寇以鴟張而先生亦由是棄去及以部郎入直軍機也凡平寇方畧 詔旨所規設多先生

手製以進其言愷明爲益天下大計甚鉅識者以謂先生非僅文士而已然先生之所爲文雖若斂退無瑰瑋桀特之觀而類情指事彈諧通恕肖其心之所自出而寓于不敝以眎桐城諸老儒先所得之美未有以異此殆百世而可知非余一人暖姝之所私言也光緒七年辛巳九月義甯陳寶箴敘

龍壁山房文集卷一

馬平王錫振定甫簪

周平王論

天下之強弱存乎人主一心之強弱而已人之身四肢百體耳目口鼻皆不足恃也所恃者其心心欲其自強則四肢百體耳目口鼻皆效其令有起廢痿而爲壯佼者矣爲天下之具府庫甲兵百司庶事皆不足恃也所恃者人主之一心人主之心欲其自強則府庫甲兵百司庶事皆舉其職有轉虛弱而爲盈泰者矣吾讀書至文侯之命未嘗不歎平王者其心蓋不自強而周之天

下亾於東遷之日也久矣幽王被弑犬戎文侯修方伯之職援立平王犬戎者平王所與不其戴天之讎者也乃其命文侯未嘗一言及之而獨追述文武而文武之盛德大業所爲憂勤惕厲者亦未有聞獨以爲先正左右謀猷俾先祖懷在位而望文侯以恤其躬綏其位者而已然則平王固以其天下爲可懷而興師復讎之事所甘以爲不能者也文武之得天下也戡黎遏苜討密伐崇始壹戎衣而定天下而平王顧以爲懷在位尙書三代君臣相戒勉未有不以憂勤惕厲而獨平王有懷之一言夫宴安酖毒而懷安敗名周公之誥成王曰其

克詰爾戎兵以陟禹之迹方行天下至於海表罔有不
服以觀文王之耿光以揚武王之大烈斯時天下大定
獨淮徐未平未嘗有深讎大逆如犬戎者而周公警戒
成王若是平王獨不聞邪王相被弑於寒浞而少康以
一成一旅復其師句踐創于吳以甲楯五千人棲于會
稽臥薪嘗膽三季卒報吳讎平王雖處積衰之勢猶有
能修方伯之職若文侯者獨不能與少康之一成一旅
句踐之五千人者比耶且能用其民戍申國獨不能用
其民討犬戎其心蓋可誅矣嚮使平王以戍申之卒爲
征犬戎之師吾知其民之勞怨者將轉而爲踴躍同讎

之不遑主天下者強以用其民則民強弱以用其民則民弱何則人主自強則君心與民心順易所謂犯難而民忘其死者也人主自弱則君心與民心逆孔子所謂未信而以爲厲已者也其民能忘死雖使其處憂危杌隍之勢而斷不至於敗亡其民以爲厲已雖使其據崇高悠久之業吾慮其既有隱然而不可救者矣宋高宗之南渡也事與平王類當其時內有李綱趙鼎之臣外有張韓劉岳之將中原父老簞食壺漿日夜以俟王師之至而歸命焉雖興國之臣民何以加茲而高宗卒用偏安苟息以懷其位嗚呼周喪于東遷而宋亡于南渡

非人主之心之自以爲弱者耶抑吾觀周之東遷有洛
邑之基而處封建之世諸侯藩衛世守其職宋之南渡
有長江之險而爲金人北師之所不能及東周南宋猶
得其位於數百季亦天下之幸事耳天下之幸事夫豈
可以爲古今之常道也哉

叔孫通論

事有當其潰敗蹙然不可以終日者算爲之拯則恐淪
漸以至於盡或將拯之又必熟計萬全以求無弊苟徒
張皇補苴以爲猶愈於彼而苟安焉不若算爲之拯猶
將有待於後之爲愈也三代以來禮樂之興至周大備

嬴秦暴虐蕩棄先王之禮法斯時禮樂之潰敗極矣漢高以馬上得天下上嘗功而輕儒術悉去秦儀法爲簡易當其殿上飲酒羣臣醉或爭功妄呼高帝患之吾嘗讀書至此以爲禮樂興復之機未有僂於此時者也及觀叔孫通承高帝之旨襍用古禮興秦儀法上之僭哉自漢迄今數千百季三代禮樂終不復見於斯世者叔孫氏之過也人之病也當其先元氣內固焦爍股削而自不之病雖有告者其中泔然及其困痼始岌岌然不可終日書曰若藥不瞑眩厥疾不瘳庸醫不瞞苟爲之劑僂不至死病夫帖然遂以苟安向之焦爍股削邪穢

之入始以淡於膏肓之間盧扁復生葺之能出嗚呼叔
孫氏之爲禮樂何以異於是哉僖高帝之時未有通吾
謂一代之禮必有能作之者卽無能作以至賈生楊雄
董仲舒之徒出必有能舉先王遺法以定其制於無弊
者不幸而有通之禮而後世主帖然可以苟安雖有爲
之議者而乃謙遜以爲弗遑世不再傳天下禮樂之數
已蕩然矣自是以來天下治日少而亂日多其治也有
政而無教其亂也民唯知利而不知義有政而無教奢
淫邪蕩以天下之力供天下之用而常恐不足知利而
不知義兵戈謀奪父子兄弟至相殘賊而不知返嗚呼

禮樂之亾袖亟若是其孰能挽之哉或曰君子之責人也恕叔孫事高帝帝方厭棄儒術使通卽欲復古高帝必不能用咎孔子先簿正祭器不以四方之食供簿正聖人行事相時而動必伸其勢之所得爲叔孫氏亦相時之所得爲耳余謂不然孔子先簿正祭器非簿正之而已也將以爲之兆也使孔子久於仕豈苟焉而遂止於是且高帝之資非實闇弱不可引之當遣觀叔孫定禮之日竟朝寘酒無敢譴諱失禮者高帝始喜以爲吾乃今知皇帝之賢然則向特不知禮之可賢耳由此而導以先王之法安知其不興起而可與有爲耶不此之

圖而覲人意旨自貶損其道以求合或謂叔孫生能識世務吾未知其識世務者方通始儒服降漣漣王惡儒服通乃變服楚製夫一衣服之微而因人俯仰如是世有因人俯仰之人而可與之言禮樂哉

董仲舒論

三代以來學術之歧也自管夷吾始也三代以後學術之明也自董仲舒始也三代盛時天下無異教竝無異學自周之衰而管夷吾獨以其權略智術稱雄天下於是天下始有異學彼言功與利者實肇端焉孔子生春秋立大學之教爲萬世法而道不行於時老莊申韓孫

吳儀秦商鞅李斯之徒各以材智翺立異學爭鳴於世
至於漢興蕭曹刀筆吏佐漢帝匹夫頑鈍之資翦強秦
而扼暴楚尙用黃老申韓之學而先王之跡泯焉當此
之時孔子之道其與夫老莊申韓孫吳儀秦商鞅李斯
之學或未嘗判然也武帝雄才大略欲高百王崇尙儒
術於是公孫宏枚生徐樂嚴助之徒襍然竝進董仲舒
獨以其天人王伯之理對策大廷觀其進戒之言曰諸
不在六藝之科孔子之術者皆絕其道無使竝進大哉
斯言自有孔子以來未有推崇若是之極者也然而仲
舒之學武帝不能用也何也武帝之心功利之心也而

仲舒之言曰正其誼不謀其利明其道不計其功是卽孔子之言之所謂誠意焉耳堯舜禹湯文武周公唯意誠也故與民絜矩而同好惡身修而天下可平也彼管夷吾唯意不誠故挾仁義以圖功利老莊談取而厚與申韓切切孫吳耽耽儀秦斯鞅又骯譎加暴肆焉戰國之世孫吳最先用爭城奪地而亂生儀秦繼之合從連衡既又甚焉商鞅李斯整齊嚴酷秦人用之以一天下十餘年間四海大崩彼其所學非一無所效也而有所效卽有所弊且其所效不勝其所弊術唯孔子不弊則其誠意與堯舜禹湯文武周公同也然則欲行堯舜

禹湯文武周公之道舍孔子何由也顧人挾其功利之心欲以從於孔子之道末由也嗚呼仲舒之言武帝不能用孔子之道則自孔子以來猶未之能用也且自周秦以降儒者之言其斷然擯絕於功利之心者舍仲舒其誰哉

汲黯論

余讀史記至汲黯傳未嘗不愛慕其爲人及觀其不用以死則重憎之憎其有諫諍之資而無術也今夫盜之入於室也閉而執之則必勇鬪至於傷人或啟其戶則棄而去之矣水之發於川也亦然川壅而潰傷人必多

善治水者峻爲之防以遏其流必先廣爲之洩以殺其
勢勢有所趣自不至於泛濫衝突而不可止黯之仕也
武帝方招懷四夷窮兵絕域神僊土木之事竝伯爲黯
計者方將爲帝陳唐虞之政講三代之法興學校談禮
樂省刑薄斂凡二帝三王之所以治世而立極者以歆
動之使知陳兵耀武神僊土木皆非所以爲治之具苟
大有爲之君必將舉然思翻然改油油然而興自悔易
其所爲而用吾之所學君心可格而天下可圖也今黯
不然徒以天子置公卿輔弼之臣不可以從諛承意故
湯宏之不可用也則毀之四夷之不可瀆也則阻之天

子方號召儒術崇尚文學然其心多欲不足以施仁義則揭之而已矣未聞一言以寤其君於二帝三王之道使之易其心思而有所執持也且人君固當善用其欲管武帝嘗曰吾欲云云是欲云云者固將以六五帝四三王不於此時因勢而利導之徒曰是非其君之所能爲是閉盜於室而壅水於川其不至洩然而傷人不止也蓋黷之學吾知之矣黷學黃老其爲治責大指務在無爲以爲君人者必將如文景而後可夫以武帝之材之略其能一無所爲而穆然居位者乎抑將無以束其身而不能不儻然思逞者乎且君人者固甚欲其有爲

以文帝之恭儉吾猶以其不能修復古先聖王治世之具爲憾如武帝者乃不導之有爲而顧欲其無爲耶當漢之時二帝三王之道不行而人皆以黃老爲學雖黜之賢固未免也夫古稱諫臣龍逢比干以忠直顯然龍比遭桀紂之主當傾覆之時有大不得已之事故當挺立不顧捐生以殉之若黜之時與龍比異不得以爲比且獨不聞孟子之仕齊平以宣王之僭而堯舜三王之過曰陳於前王好色則導之太王王好貨則導之公劉王好勇則導之文王武王至於省耕省斂養老教民之法未嘗去諸其口武帝多欲其與宣王之僭必有辨奈

何不聞孟子諫王之術而顧欲黃老之爲邪太史公之傳黯也述武帝之言曰人果不可以無學觀黯之言也益甚嗟乎負其伉直爲天子諫諍臣固可無學乎哉

郡縣井田論

竊觀古今爲學之道草善於大學而古今爲治之法草備於周官兩者相須而後備闕一焉不可也大學之教由家以推之國周官之法凡造都鄙制其地域而封溝之以其室數制之由百畝以至二三百畝乃分地域奠地守制地貢而頒職事又聚之以荒政養之以保息安之以本俗乃施教法於其所治民令五家爲比五比爲

閭四閭爲族五族爲黨五黨爲州五州爲鄉使之相保
相愛相葬相賙相賓然後頒之職事教以三物料以八
刑防以五禮六樂於是大祭祀大賓客大軍旅大田役
凡國有大故大荒大札胥于是令教焉此所以家齊而
國治古先聖王治世之法未有或出於此者也唐虞尙
矣夏商貢助之法實周人所監視至周官而法始備司
徒之職六官所基而凡百職事之所從出也周衰井田
之法弊春秋之世唯管夷吾爲救國僑猶能行之彼夫
軌里連鄉之制皆井田之法也法之久而將弊者必有
以知其弊之所在而斟酌損益之審其時宜因勢利導

載之以先王之法之意而後吾法可行而於世爲有功
彼懲於法之弊而裂之與明知其法之弊而強欲復之
者皆所以益法之弊者也故夫井田之弊之必爲郡縣
者勢也何也民生之日繁也侯度之日愆也豪強之日
多而兼并之不可止也使於井田旣壞之後而必復爲
井田毋論先王經界之必不能正卽能正之而丁戶之
不齊不待十季強弱小大之間必有糾紛而不可治者
矣然而郡縣之弊之又必還取法於井田者理也何也
民心之日澆也吏治之日媮也豪強兼并之不可挽而
小大弱強之不甘於相役也使一唯郡縣而不思所以

還取法於井田之意毋論侵吞暴奪既患之相藥卽使天下晏然無事而農夫盡力于田畝困于租賦之擾而情不能以訴人主惻念于閭閻數行蠲卹之典而澤不得而下施天下富强之資隱然盡歸於中飽而自公卿大夫而執事以至游手逐末之民皆鮮衣而美食計一夫所耕而十夫食之十夫之耕而有不足以供於一夫之食者則食者日眾而人之所以求食者必日新羣天下而爲游食巧蠹之民而如周官三百六十之屬之事莫不冥冥隳壞而不自知一旦猝然而有意外之憂吏不知其民將不知其兵士卒不知戰陣倉庾有財穀而

不知所以藏山川有險隘而不知所以守雖有人民土地而羣委而去之民之不得已而棄其室家而鳥獸散者紛紛然而揭竿斬木之豪必將有橫恣焉而不可制者然則如之何而可也曰於郡縣之中而行之以井田之法之意伍相保也什相連也百相屬也財力相資而耕戰相習也省吏與兵之冗而簡而精之以助民之所不及去科與徭之煩而約而要之以示民之所可循如是而已於是天下之人民土地乃可以犁然視諸掌矣兵農學校理財用人一切刑政卽今天下所以爲治之典要莫不本於井田之遷而不必其驟變也由漸焉以

去其泰甚事皆有減而無增人皆有闕而無補以數人之食供一人則食將各足以數人之事責一人則事必就理合之爲天下之法卽教之皆一鄉一里之所自興使民各衛其身家之心與力而集之以赴於公家之事吾得而斷之曰平天下之端必自此始吾觀商鞅之用秦也令民什伍相收連坐猶是周官之法而阡陌開而井田壞乃懲於法之弊而裂之漢之新莽宋之安石又一泥於法而強復焉是皆所以助法之弊而已夫有治人無治法孔子論政曰食與兵而已而其告曾子以剛主治民之法則曰必別地以州之分屬而治之及一爲

中都至攝相事三月而羔豚弗飾男女別塗道不拾遺
客至如歸孟子之於齊滕一則曰王道之始再則曰仁
人之政而告畢戰問井地語尤詳焉謂孔孟得時而行
道法有出於井田之外者哉雖然春秋戰國井田雖壞
猶未盡失猶或可以復其制也降及漢唐郡縣已久其
法盡失則唯有行其意焉而已吾觀漢韓延壽魏李冲
五長隣長之設皆見施行而朱子之於南康陽明王氏
之於南贛尤較大著聖王有作必有能行其法以致泰
平者大學之言曰自天子以至於庶人壹是皆以修身
爲本其本亂而末治者否矣又曰君子有絜矩之道安

得修身絜矩之君子而與人爲國家哉

保身論

管子思子論聖人之道推之至於高大極天發育萬物
又言凝道之所由來以謂君子尊德性道問學致廣大
盡精微極高明道中庸溫故知新敦厚崇禮大哉極矣
至其言修德凝道之功至於居上不驕爲下不倍國有
道則言足以興國無道則默足以容謂聖人之攸往咸
宜如此也獨又引詩而究歸之于明哲保身之一言余
嘗惑焉以爲聖人之道夫豈唯以保其身云爾哉求其
說而不得儒先之言乃有爲聖人之道有時殺身而以

爲保身之說者余究未能以爲說之必當於聖人日聞
范子百崇之說而乃曉然於子思之言保身者之義大
而後儒之言保身者義猶小也范子之說曰唯聖人必
保身且唯時中之聖人爲能明哲以保其身古之聖人
殆唯文王周公孔子足以當之下此而伯夷伊尹顏曾
閔冉之流殆已不足以語此矣蓋身也者人之所以爲
人而與天地參焉者也人之所以參天地必自盡其性
者始盡性必保身全而受者全而歸此人性之固然人
未有戕其身而猶以爲能順其性者也夫人身之所處
居上與下而已身之所遇國有道與無道而已彼篤信

好學而守死善道者誠是也至於危不入亂不居天下
有道無道而身爲之隱見時之與地皆處焉而得其中
而至道之極必若文王周公孔子夫焉有不明哲以保
其身者哉或曰如范子言然則聖人辟之者邪曰然曰
賢者辟世其次辟地猶賢者也若聖人之道自不至於
其時與地而又何辟焉曰然則易之所謂介石之貞邪
曰然易不云乎知幾其神然猶聖人之一端吾嘗觀於
易之全矣通易之卦六十四通易之爻三百八十有四
唯中者無凶不中雖正而猶有凶中者聖人之道唯修
德凝道之聖人爲能得之范子沈潛士也所言保身之

義若此余又因或言而申以已說雖然此聖道之極不可不明而不可夫人能之也孔子曰中人以下不可以語上也彼不知聖道之極之不可能者將持吾說而僂乃身圖則得皐于守成善道者多矣亦將有爲而爲之者邪

定說

天下之事萬有不齊也聖人爲之物以齊之衡以齊天下之重輕度以齊天下之長短而悉本於黃鐘本黃鐘之管以爲分分十寸寸十尺尺十丈丈十引而度成本於黃鐘之龠以爲十二銖銖二十四兩兩十六斤斤三

十鈞鈞四石而衡成衡度非強天下之不齊以爲齊也
銖兩斤鈞石寸尺丈引製皆一定而不可易而天下之
數受齊焉天下之理其輕重長短猶天下之數也聖人
者亦有以齊之大學言格物物者盡天下之理之輕重
短長而區而分之者也其言格物之方也則曰定靜安
慮得得其格物之理而已而所謂定者有物焉必其志
之有所嚮而不遷先立其體如衡度之製於一定者然
然後天下事物之蹟之萬有不齊縱極顛倒迷惑而皆
不足以亂吾之明夫唯天下事物之蹟顛倒迷惑皆不
足以亂吾之明而吾乃能區分其輕重長短之理反以

洩於吾之身心故言大學必自定志始志定於吾心心者人所受於天而天下之理之所從出猶黃鐘者亦入所則於天而天下之數之所從出也今夫立五都之市不定其衡度則一市鬩況將以吾身求入乎聖人之域而出以當天下之事者哉友人聞吾說而趨焉以定名其齋復要余爲文而書以歸之

大學格物解

大學之教先誠意而誠意必先於格物致知夫格物者何也曰天下之物皆格之本末終始先後之理得而知乃至焉然則安得天下之物而皆格之曰格一物而其

理得而天下之物皆格然則格一物足乎曰格一物而
得而因以盡格天下之物而無不能得者天下容有未
極之物而吾心固無不至之知大學之爲教也曰在明
明德在新民在止於至善矣爲大學者必先知至善之
所往則志定心靜身安遠得此格致之所有事也夫其
所謂得者何也曰物本末也事終始也爲格致之學者
必物得其本末事得其終始又推焉以求其盡而知其
所當先後至是而物既格知既至矣持是以誠意而正
心而修身而齊家治國平天下蓋由吾身以至於家國
天下皆可以物觀也天下之物不能盡極求物之至大

者而極之於天下吾此之物極則天下之物固未有不
能皆極者矣而物之與天下對者唯吾身自天子以至
於庶人壹是皆以修身爲本而家國天下爲末矣由身
以推之家國天下而終始先後之序出焉故曰其本亂
而未治者否矣家之不齊而何以言治國故曰其所厚
者薄而其所薄者厚未之有也凡此皆言格致者也故
曰此謂知本此謂知之至也大學之言格致如此不已
明乎故曰格至也者非也木長之謂格故木各爲格解
之者曰樹高長枝爲格古之戾物者嘗有謂格者矣格
則有以區而別之故曰格者度也量也故格有正之義

焉書曰格于文祖是也有安其所之義焉詩曰神之格思是也又曰格者榻也榻有天地所以推陰陽占吉凶也則格之義不可推乎或曰格扞也格去外物之謂格亦非也禮言扞格而不勝言扞於格而不能勝猶物之各異其區而不能以相及耳則或謂去其心之不正以全其本體之正之爲格者亦非也且如或言大學一言誠意足矣而何以言物格而後知至知至而後意誠也哉

龍壁山房文集卷二

馬平王錫振定甫箸

擬上某尙書書

某頓首謹上書某閣下某邊隅寒峻忝居門下二季矣
逆夷狡逞海疆多事中外洶洶閣下司天喉舌入贊機
樞於國事是非利害誠未可知而不言言之不用而媵
嬰以終也某愚屢欲有所進言伏思草菲愚賤驟忝朝
籍豈宜妄議國之大政令乃不能隱忍終欲一剖其誠
某自未釋褐之日熟聞閣下仁明誠慤一代之偉人國
家之楨榦也曩者奉使東南還朝之日海夷甫經蠶動

卽嘗越位讜言今茲晉位益隆居地益密正當多事之
秋必當有所幹旋爲國家出萬全之善策方去季六七
月間逆夷攻陷鎮江東南震恐戰撫之議待浹旦夕朝
廷幾不自安閣下堅持正論力阻佞言退食之餘憂憤
感惻至於流涕某聞感激以爲國有人焉誠前聞之未
誣而一介至愚獲出於大君子之門之爲私幸而又引
領跂望閣下之言見用庶朝綱立而國勢張厥後無議
旣成朝廷委曲遷就於外臣之請舉朝人士莫敢一言
諫止某不才椎胸頓足中夜感憤維思朝廷念生民塗
炭之苦大天地生成之量破千百萬之帑藏以充兇夷

之橐而淡其旤此亦 皇上仁慈苦衷大臣權宜至計
使逆夷獲此兇燄遂戢四海晏然長享太平豈非臣民
之所禱頌奚必願朝廷重兵革之旤以成悻悻之怒者
哉乃至於今不數月耳邇者兇夷駛船臺灣經臺灣鎮
道達洪阿姚瑩等出力剿殺事聞之日朝野僉賀以爲
國體凌夷有此一方振作逆夷當益知感聖人覆載明
中國非誠弱於彼小邦或者由是兇燄衰而前盟可守
也孰意逆夷逞不靖之心挾陰狡之計重至閩省請於
督臣奏懇將姚瑩等治罪以洩其忿此天地所不容神
人所共怒者微官疎賤未知朝廷何以處此延頸久之

不料外臣疏至竟有以姚瑩等妄殺冒功請置於辜者
朝廷飭下閩浙督臣渡臺察訪內事祕密未知督臣復
奏云何竊謂大君子在朝左右所以盡忠而謀國者斷
在此時伏思逆夷犯順爲中國禁販烟土一事耳前督
林則徐在廣州時圍困夷船燒銷洋土逆夷見其防禦
嚴密乘浙江不備攻奪定海守臣未能剿辦卽時恢復
逆夷沿海投遞夷書求將林則徐治臯而索其物價朝
廷誤信其言徑將林督罷任繼以治臯自是虎門失守
大遂所欲旋復亂浙江破廈門甯波乍浦寶山鎮江唯
臺灣一區兩獲勝仗彼逆尊之誰何夫臺灣海外孤懸

一羝地耳較之江浙閩廣勢有難支達洪阿等以一旅之師儼然不喪一卒不折一兵而全羝晏然此其忠勇材略宜有大過人者使沿海守臣有如若者十輩夷虜何至於此方林督定羝之日朝野上下凡爲君子人者靡弗同聲慨愴然羝之者猶得有詞謂廣東燒土蠻所自開逆夷牟利今毀其貨貝而不復其工本則無以折其心而滋擾無已時不知今於臺灣之事又何說也豈其冒功妄殺之言果足信哉自夷船駛犯內地隳城破邑傷殘百姓殺害將士亦已多矣一遭內地擒獲則自稱難夷謂我妄殺以海外之孤城逆夷屢至窺覷而兇

鋒疊挫四方守臣皆如瑩之妄殺冒功朝廷又何忌哉
且愚以爲今於達洪阿等不當問其妄殺冒功誠否有
狀而當問其所領之士卒有無折傷所守城池有無失
陷果其師完而守固固宜有賞而無罰大抵臺灣地繁
膏腴形勢可據逆夷所覬羨耳今數駛船其地守臣拒
之不力則兇夷取其地而有之拒之力則又可請於我
朝廷使治其梟將不幸而爲守土者必如何而後可我
皇上神聖英武義當大整甲兵詰逆夷之貳懷益加
重賞達洪阿等以重一方之守就令二人者誠有下干
吏議上瀆皇仁之事竊猶以爲功可奪級可鐫甚之梟

律可加而臺灣之地萬不可使去非唯二人由此披瀝
膽肝其報我聖明者必有激發其平時忠義之氣而天
下臣民亦可曉然於朝廷愛才重士之意外邦醜類亦
可凜然於國家立法之無枉而馭將之有方烏有以敵
人之片詞輒自疵瑕其所柄任之人而去其位者第慮
睿謀未定或有顧瞻前後恍於利害之臣復以聖明爲
天下蒼生惜命何吝此一二人而失前此委曲譏撫之
心且或曲加媒孽輒謂達洪阿等果有妄殺果有冒功
不顧全勢之屈伸而斷齟於尺寸之長短萬一聖慮俯
從則何達洪阿等之不可置臯者逆夷繼此駛船佗境

雖有智謀忠勇之人又孰肯執干戈擐甲冑爲國家社稷保衛者哉某非爲達洪阿等負屈而爲四方之爲守臣者寒心非爲臺灣愴桀而爲國家愴天下之人材與二百季來之士氣也逆夷之爲是計猶是去林則徐故智耳豈前事班班可見而猶不之寤耶今日之計唯有明諭狡夷開誠布信曉以天朝禁販烟土本爲百姓吸食戕生前此彼國不識禁令乃因外臣毀其貨物閉關遏糴致令怨叛天王軫念小國償以物價宥其前愆令各省通市和好如故允宜各安貿易仰戴天朝仁厚之德若輒駛船妄犯他境彼地方官有守土之責者出兵

檢剿職所宜然雖我朝廷不能禁止如其有意敗盟復
生窺伺是彼自尋阨亂猶將申諭各守臣復整王師以
彰撻伐逆夷雖屬兇頑或亦聞之愧服至於沿海地方
必當嚴爲之備彼逆用間不行必且稱兵臺灣臺灣不
能逞志必又駛船閩廣江浙各處騷驛以相脅耳前者
林督未去而廣州無恙既在浙江林督一去而廣州阨
伶漸且及於廈門甯波上海鎮江非前車之覆而後車
之鑒邪且愚以爲二人者非唯朝廷用戰守不可去卽
朝廷用撫尤不可去彼夷逞兇肆詭苟先無以戢其兇
而破其詭豈有能遽服其心者魯司馬文正有言今日

之事當以和好爲權宜戰守爲長策方今之務何以異
此夫朝廷明知林則徐之可用而去之旣覆乃事今知
姚瑩等之可用而又將去之坐畏戰守之乏策思蒙昧
以苟安耳竊謂夷雖兇燄鴟張隳城破邑實外臣將帥
不善守禦非夷之必不可當也或謂言者易而行者難
江浙閩廣失守諸臣未宜盡爲怯懦且如牛鑑在江裕
謙在浙始皆銳欲破賊立功而竟坐失陷此其已事可
見不知此特一隅之見胡林督之守廣州姚瑩等之守
臺灣而獨不見之也懦夫見千人之登崇阜而熟視不
睹見一夫之蹶平地則惴惴而驚承平日久民見亂不

常將率知兵者希入情大抵然耳某愚謹就見聞所及
凡逆夷之不足威中國之可以制勝至明曉而易識者
請一畢其說焉夷之所恃以逞其兇者船與礮耳彼船
雖堅不可以陸行礮雖利不能以百里此理甚明且彼
船礮皆利於用大所稱火輪船者身重能壓颶風礮轟
不碎誠於涉海爲宜至於沿海港汊或有沙淤淺狹之
處則必易用三板船既小於火輪數千斤之礮不能載
放而亦不足當一炬之灰今欲駕銜尾之舳艫以與肉
於汪洋互浸之中是用吾之短卽彼之長果非勝策若
堅壁以待其來凡彼大船所可至之境大抵海壖寥濶

之區宜稍息偃以避其鋒及其易船以入吾隘則據險而與之敵勢力均耳至再進而登岸則彼船與礮皆不能施彼人猶吾人彼器猶吾器耳惡有中華全力而反爲島夷深入之孤軍所困者哉此愚昧之所憤切斷以爲不足威也至於中國之可以制勝者一在募義勇自彼夷倡亂與官兵接仗所在獲勝而廣東福建乃數困於鄉民前歲江浙閩廣欽差四出各省徵調互繁最爲失策韓愈氏有言徵兵滿萬不如召募數千蓋中出之將本不知兵又不熟悉外省民情地勢所謂之兵離其父母妻子以爲人捍難跋涉數千里而來旣懷咨怨又

重困疲抑且客兵遷地弗能爲良是以觀海波之蕩蕩
聞礮聲之隆隆一夫狂奔萬衆坐濱徒費國家帑藏以
張敵勢重民困耳往者三元里之事廣東民勇曾將夷
目圍困幾不得脫近者廣州夷館又被民人焚燒彼逆
皆草誰何此亦足見吾民之可恃矣今者唯宜號召此
衆擇其尤爲魁傑者予以恩施俾領其衆分之各處險
要碉堡以當防禦其餘沿海各府州縣行用保甲團練
之法布之號令予之器械申之賞罰無事依然比戶有
事一呼立集富民殷戶有能出資財充餉饋者略用各
省捐輸之例量加恩賞百姓各有身家各有祖宗邱墓

親族里黨人心既固各出死力以相守衛安見各省海疆而獨三元里之民之足用乎哉一在扼險要各省海疆山川輿阻之區天之所以阻中外也白晉談海防者以堵海口爲要策如直隸之天津山東之登萊江南之狼山松江浙江之黃巖溫州甯波定海象山福建之福甯廈門漳州廣東之香港碣石屯門稽之輿圖參之聞見攷之前人論說皆爲有險可守比季各處失機如虎門者直內地自行撤衛而後夷船駛進鎮江之破圖山關最爲要口防兵僅數十人逆夷乘夜以來守兵施礮彼猶逡巡未敢卽進迨至遲明揆悉守兵寡弱然後

連檣徑駛由此言之苟非棄藩籬敵固末由逞也今於
各省海濱夷船進口要隘之處或憑山險或擇海汊設
立碉堡安置礮臺屯駐大隊精銳義勇於其易船進口
之時施礮轟擊即使其間有或地勢稍夷或逼近海濶
無高山峻嶺屏蔽爲彼船礮所可及者竊謂宜稍徙易
以避其鋒度其船礮所不能及然後布之精銳以扼其
衝彼夷見空岸之可肆行一或登陸則彼不能逞而我
技可施矣至於天津畿輔之地逼近京邑商賈輻輳逆
夷之期至者數矣吾唯有籌可以禦之之策斷不能有
幸其可以不至之方某愚又料夷之計亦窮矣當鎮江

攻陷之日或謂彼當卽駐京口斷五漕道或謂彼必馳取江甯據爲窟穴揆其時勢彼蓋無不可爲而竟不之爲者逆本小國貿易之從計止射利攻奪之地唯恣擄掠飽則颺去非敢長據一地有佗冀倖之心天津所以久而未至者特置此一區爲震脅我地耳果能熟籌備禦義當望其速來決一死戰就使地利天時或不可測津門距京師陸地二百餘里彼遂能牽舟而騁至者散一登岸則爲擒甚易耳至登岸而不可擒則中國必虛無一人焉可慮者又豈唯一英吉利故察地險尤要也人心固而地險據是在能簡守臣某愚以爲朝廷無善

守禦之法唯在沿海各省督撫得沉謀忠勇者數人以爲中國之長城各省亦無善守禦之法唯在沿海各守令得沉謀忠勇者數人以爲一方之保障唯於進退舉劾當機之際必當假以權宜重之威勢然後出能有功語云閩以外者將軍王之前者浙撫劉韻珂所奏請將鹿澤長舒恭受二人暫停治臯以任甯波定海一疏誠懇明切實中機務而朝廷未允議者輒曰其人臯固無可道也例固無可宥也夫功臯者爲治之大綱然朝廷所以明功臯爲萬民勸懲耳今如劉撫之奏則二人者實爲百姓所深感戴夫以百姓所深感戴之人朝廷能

棄其臯而用之較之明區區之功臯而重失百姓心者
所去不止一籌矣至於例之一定可守之於太平無事
之日不能泥之於四方多事之時可用之於尋常供職
之人不能隄之於奇傑非常之士晉秦用孟明而爲伯
主唐用魏徵而爲興王千金市骨則千里之馬至故今
日小之如鹿澤長舒恭受大之如姚瑩林則徐等皆當
釋其往議略其微疵以資柄用誠使各省處置得人朝
夕而講守禦之方上下一心內外合力周子曰果而確
無難焉伊古以來爲國家持大計定大難未有不出此
者若夫賞罰之出必速必信賞不當而罰不嚴則人思

詭遇而求倖生 今上寬仁不殺盛德邁古皇矣唯用
兵之事神武必先 列祖列宗成法具在昨者余步雲
之戮市奕山奕經等之治臯誠典刑至當獨惜治之不
早藉令鎮海攻陷之日馳數行之命臯余步雲首於軍
前其一死之堅吾軍志而壯我國威者多矣志曰置之
死地而後生之將卒無死心而能成大功於疆場者未
之前聞諸葛武侯侯有言成敗利鈍非臣所知鞠躬盡
瘁死而後已爲人臣子當以此告於君父爲人君父當
以此告於皇祖精誠至而神鬼通也若猶怯懦畏蒞志
於苟安怖於目前之勢不顧理之是非而顛倒失執一

且洩裂至於不測生何以對於君父歟何以告於皇祖
哉某愚且暗陳及守禦之策實見達洪阿等之必不可
以爲臯而使去耳今日不臯二人逆夷之旣卽佗天下
勢猶可支今日臯二人等逆夷之旣不佗天下隱然渙
矣道路之言有謂瑩等已有旨治臯者有謂已解質北
來者竊以 皇上聖哲左右大臣有仁明誠懇之君子
在斷不舉措如是萬一有之是自毀其牖戶而召侮予
敵人長驅而入吾之四境其旣將兆於今日矣詩曰民
之訛言亦孔之將所以挽回維持之者實唯閣下大臣
謀國有能誠懇悱惻以回天於無形者上也諍之以去

就誓之以死生事之濟而不任其功事之不濟而不任其過者中也下無責焉狂瞽愚惑所言或有失次而不能終默然於閣下者冀蒙鑒察以無忘其朝夕近侍積誠感格之意或者傳聞失實朝廷無有是事或者言未及陳而閣下已嘉謀入皆能預用其旋乾轉坤之力而世不之覺則尤愚昧之所禱祀以求者也某不勝區區之誠肆言瀆聽唯教誨焉某實幸甚

書成未上聞已有人先投書某公者大抵所見略同後見其稿特未能暢所言耳嗣是逯姚二人逮京未及於舉此書乃遂置之姑存以誌一時意氣局外論

事後多弗應卽姚老其人亦大不逮書中所陳並存
以見知人料事之難而倖倖者誠未足憑也自記

與彭子穆書

子穆仁兄足下前月得汝陽書卒卒未復而懷想積深
比來體中攝衛何如來書過自卑抑足下行身爲文如
賈誼鼂鎔縱弗敢自居若子瞻兄弟少季到京師時量
當之綽然是何患其不成而與古人相追逐者足下知
僕最淡竊謂知足下淡亦未有如僕者蓋吾兩人志趣
同而性質少異僕負氣僻驚身弗能自檢攝而多責人
於人寡所歡足下與人常坦坦隱懷用世之心常欲夷

其所學以卽於時與人不少備而能屈曲得行其意是
各有所得失不知子穆聞之以謂或然否也僕秋冬來
漸少疾厄乃精氣常未復而肝膈時滯日有所事觸卽
壅逆饗飧或不思食對客酬酢往往神倦官中事幸頗
不煩蚤暮休閒閒弄書史或強爲文章以自突兀獨未
終篇輒欲屏去疲愒多睡夜分或寤腰脊酸楚如中寒
熱吾生受氣良薄顧自數歲疊遭閔凶困孤愁苦至二
十餘未嘗知有疾病唯以狂放飲酒佚遊不思寒暑又
性僻褊中往往四方奔走人事違忤則多怫鬱憂懣以
動搖其心精或復縱肆任情妄爲事過輒悔已復蹈之

重自怨懟積幾時日因于去歲釀成大疾幾隕厥生幸而獲全又不能自保愛今年三十僊疾之狀幾如五六十八人之生世不過數十季憶前五六季時與足下同客桂林日夕過從抵掌言天下事頗欲有所樹立未肯泯泯與氓庶同歸及今觀之人必先自治有餘而後可以治人且一身之弗自理尙何足與言天下事竊觀古人凡二三十時要必已有所能立而後異日得以成就今自問其行能誰爲可以信於心者京宦貧薄生事焦勞然旣未能自簡嗇又不善爲理恐終爲累往時讀書向學之道自謂小有所窺及數季來頽委殆盡當其心

神失所寄泊以詩書自溷耳開卷如有所會未終卷而
恍然失矣及今如是雖有後日尙何望哉尙何望哉聞
對博聞敦行之士相與莊然揖讓而中自踧踖如身行
泥淖中見人車馬遊康衢祇自慚茶而已又僕自祖父
來單門一身季幾三十始有室家而自室人慘亾今未
有後一季餘矣山陰先世所居僕生未曾歸省祖先邱
壟將爲牛羊芻牧之區卽桂林先代新塋僕所自營比
亦聞有圯損南中一老姊五十寡獨僕自幼孤依以成
人而今相隔七八千里寄食戚家未能輦之以北思欲
竟棄此官歸乎則耕無負郭之田居無半畝之官欲遂

青島山房文集 卷二
三
由然居此則憂愁草釋壹切情廢日憤憤然如昏夢中
足下愛僕其將何以為之策也吾生倫紀多闕嚮唯二
三師友扶掖比季彫落或遭中道變喪幾盡如足下者
未易一二數焉風偃自陳蓋有非吾子穆所不可告語
者故盡言冀足下詳吾狀而有以進之冬寒唯珍衛自
愛不宣

與朱伯韓御史書

六月二十九日錫振頓首寓書伯韓仁兄御史執事廣
州讀邸報見閣下以倖滿保薦罷守引見仍畱諫職甚
慶甚慶即日得宗文滌甫書謂閣下不聽友朋規戒之

言致以彈章不實見紉蓋錫振在都中日宗文嘗見謂
伯韓樹立侃侃宜且韜掩不當時時瑣屑進言錫振淡
黷其言今書所稱彈章不識何指豈謂閣下所奏甘省
事邪御史五品官耳罷守官高數級有地數縣俸入充
羨出則棄輿張蓋入則高堂洞房視閣下爲御史敝車
羸馬惡衣非食蕭然坐斗室中讀一卷自謂高天下而
妻孥惴惴憂飢寒僮僕睢盱左右有不得志其官肥瘠
奚翅千萬顧罷守職領一罷事有督撫司道數大官於
上有數州縣牧令於下手不得握尺寸之柄徒日奔走
承應於簿書期會之間御史立天子殿陛得執簡言朝

政得失從容諷議天下事則其官伸屈又不與肥瘠均
歐陽永叔言坐乎廟堂之上與天子辨可否者宰相也
立乎殿陛之間與天子爭是非者諫官也宰相諫官繫
天下之事亦任天下之責顧不重歟世顧不察儼然居
是職者冀得一朶如拔宅而登僊一見紉則亟嘗喪氣
若將不得爲人匪獨御史在京師得所居翰林曹司官
者未嘗不然烏虜士夫處世叔季大抵勞苦壅隘有所
不得已故嘗由肥瘠去就於其官而不知所伸屈在京
日與閣下論此義者詳矣閣下毅然挺節思以其身示
天下爲不變爵祿不干勢利之人又能躬自刻勵使不

至於有所不得已而撓其志氣管滌武帝以汲黯爲淮南守黯辭以謂不勝繁劇乞畱闕下補闕拾遺而不可得然則今閣下畱此職者是汲黯所求而不得也 朝廷所以用御史未知何如於錫振之所云然今之所以畱閣下亦未知何如於錫振之所云然然士君子居其官則思其職必問世之嘗我何如一有報之心而忠孝已衰矣國士待我我國士報之眾人待我我眾人報之亂世游俠之言豈賢哲自待者之所宜設心哉宗丈之言期閣下尤遠且大弗如錫振知閣下深耳願閣下皆存其說而慎擇之蓋君子之自處審矣錫振自出京

師於今季春嘗自河北而南沿流襄樊浮洞庭泛瀟湘
至四月八日始達桂林先墓小有修治亾室亦就脣濡
滯兩月餘歸郴州復十餘日鄉中樂土季穀順成唯潯
梧上下江路盜風滋盛比來粵東此患尤劇南北行路
萬里矣思有所閱歷以裨聞見而聰明阻塞依然空空
如手中拳橐耳世所患害竊慮以吾當之亦復束手不
知所出畏閣下風采不敢妄有所陳錫振老姊衰矣比
復多疾將奉北行瑣瑣牽掣不知何日始能就道外間
靡所駐足終當歸守其官旅遊濡滯殊自不謬念前兩
三季在京師與閣下輩時時過從日有友朋文酒之樂

若不知所慶幸念閣下一出守則錫振蚤晚還京師交
遊中來如閣下之相敦契者方不知誰何而今閣下留
此職則錫振充然無復顧慮是又匪爲閣下慶獨以爲
錫振一人者之所私慶云爾風便奉陳臨書神溯唯爲
道愛攝千萬

復陳冀子文書

冀子先生十丈鄉中人來獲惠書悉起居辱念肫然感
荷感荷念自丙春衛郡甫得一月親炙別後思詠未嘗
或釋丁戊之間臥病鄉城屢瀕於歿傳聞吾丈遠客返
中亦頗抱恙私謂餘生當永相望不期儻從來歸惠然

存顧以煨灰之身於牀蓐間猶得一見長荷顏色亦淡
幸耳屬乃就醫吳中牀輿狼狽牽率以行亦未獲一告
別到吳以來將已兩季吳醫庸陋甚於越中而尤加貪
屢以孱羸重困之軀試其不聊僥倖之術勃洩黷穢
石紛綸病叢坐是乃盡無窮痛戚兩季之間困頓萬方
明知無益而有不能不姑從事以冀幸其萬一有效卒
之其效茫然而害則屢見天下事大抵如是不欲覩縷
長者聽聞時時仰天自陳願求速盡隣家孤子數日不
汗遽爾天殤衰癯翁姥蚤暮痛號獨合病夫聞而歎嗟
視若僂蛻秉質鈍拙九疎方技倉扁遺言研究未由世

傳靈素僞書嚮不寓目當茲良醫旣不可得不獲已枕
上取而稍涉乃復躁率殊不見其藥要祇益迷悶又復
屏去憶在鄉城荷示風毒一方數欲試用祇以其間藥
物多不易致鍊製尤艱再四逡巡今春甯君自粵入都
枉道此間攜來海濱醫人所製風藥中襍砒汞施用一
切適與吾丈示方十同七八用之乃竟大效三兩月間
身之痿潰數十餘所已愈十之七八諸所患苦被除幾
盡唯脾胃猶復多痰而兩足惡瘍重傷所出血瘀計以
斗斛又爲諸醫藥所毒害筋絡拳曲猝不得舒比雖日
漸有瘡猶未能蹶起行立不知繼此究可復常否耳此

間非可久延祇欲病已稍愈遷延仍返京師又恐足疾
竟成長廢甯君北旋過此或當埒之歸粵彼雖廬臥蕩
然一二親知猶任扶掖且冀粵醫誠勝吳中餘疾能皆
拔棄未可知也生世三十餘季行能無狀此身之存直
幸免耳獨單門兩世嗣續靡託每一念此輒不甘歎平
替於世寡合其中枵然瓠落就使幸而材老亦於世何
所用唯於所好書史文詞數有述伯略不見絕於先生
長者老學清修之士用是亦時自奮欲一雪吾言於世
俗耳目間就如吾丈生平於人詎嘗輕可乃以歸休辟
息之餘身自疾恙屢惓惓於不材病棄之人來書心重

語長讀之感惻曷已鄉大饑之後當卜屢豐天時漸暑
唯希善衛側聞體中心氣稍虧不任纂述但爾游泳墳
籍以適志趣莊周有言可以養生可以盡率天母將以
病先生者康先生邪大集聞已剞劂有人甚慰文孫穎
異亮荷世德奉懷一詞春間所爲埤錄呈教此間居久
觸處思孟餘憂觸處思吾丈也行止搖搖餘疾未捐率
布數行爲報身不遂已舊鄉或當復至再親警歎唯以
自祝更祝康勝千萬不宣

與梅伯言先生書

伯言先生閣下錫振卧病越城妻孥自京師來傳聞先

生歟念盛心感極感極去季秋得位西都下書言先生
南歸冬初姚大令子箴沿檄江甯屬訪消息乃得行李
到家起居安善欣慰曷極江城潦害又聞哲弟嬰疾歸
休不免家事相關抑尙不煩慮否先生明德達材挂名
朝籍當世未嘗不相知聞猶將僅僅以文人著以錫振
當時親見曾不能明其所以然何況後人懸思遙度數
十百季以前雖於先生進退綽綽顧不免爲後之論世
者之所淡歎息耳何況當時親見又且一二奉教如錫
振哉錫振乙冬南歸在桂林僅兩月餘卽赴廣州廣州
居乃一季以一老姊在彼欲輦北來稍申報輦竊謂此

世人常有事不期瑣屑牽掣不得遂志丁秋自粵旋京
枉道越中思一省親舊鄉隴墓到鄉兩日輒中惡病困
不能起在彼一季戊冬乃復牀輿就醫吳中比又一季
餘矣三載牀蓐風痺痲癩頽挫萬端誠不欲一二以塵
清聽蓋其間瀕歿者數十而痛苦呼號籲天求盡則無
不然人生到此百念灰燼每一迴念京華故舊交遊邈
若霄壤平昔植德不堅忤物狂縱戾氣所積鬱爲奇殃
大抵微生直自棄耳春來粵醫傳一風毒奇方試之殊
效及今數月諸所患苦十九消除唯兩足惡瘍重傷筋
力拘攣經兩載餘雖日漸有展舒猶不自任行立不識

繼此能否復常兩足未廢猶當遷延圖返京師若迄不
痊當埒所親行歸粵中覬彼醫藥勝于此間或能竟起
沉痾不然亦當自彼迤而西旋桂林鄉井彼間一二親
知猶任扶持且爲稍以文墨自活微生致疾所由悔艾
奚及凶貧憂弱唯天所命竊唯錫振十五六時抱志自
強而材略短淺輒有意於董仲舒汲黯之爲人長又竊
慕昌黎廬陵文章及濫通籍從官曹署卑微敝尤端居
多暇時時竊讀而倣效之顧自鄙陋匿不敢出以示於
人在京師日獨嘗錄寫就正先生遽不鄙夷誘掖揚導
屢舉勝朝歸氏熙甫文相況許夫熙甫之文昌黎廬陵

而後 本朝方姚氏未出之先蓋數百季一人而已蒙
如錫振詎足望其一二毋亦先生教誨盛心就其資之
所近而欲進之者耶抑或如莊周所謂去國日遠見似
人者而輒喜耶淡恨當時未能屏棄百爲專一致精朝
夕親炙以成其業數季以來頽廢盡矣性剛才拙志意
高而行不克敦重以疾厄疲曳之餘復何敢言妄自樹
立就欲亟空文以自見而精亡神喪中已失其浩然之
氣猶欲出其高世駭俗之言以罔當時欺後世哉顧其
身未卽灰中所鬱勃不能自藏積習漸染猶復時自尋
討間亦發抒有佗藉以達其胸中生氣而已至若行立

萬物之表言爲天下之則若冒黎廬陵所爲當世亮不
乏人 國朝二百季繼有明歸熙甫氏起者唯方氏靈
臯靈臯之後獨一姚翁愔抱彼其所爲皆上承先聖所
選中有關于一世人心學術之大而下可徵於後世愔
抱之殫數十季矣斯文未喪非先生其孰歸錫振自出
京師所爲文亦數十未能悉寄且恐煩擾謹卽病中所
爲一二求教斷不能進不識猶能如在京師所爲與否
唯教之而示以所宜然風便坵此以報拳拳且一揚其
平生淺陋之懷坵去藤杖數珠各一唯冀賜納如病良
已將旋京師必遣揚州以一相見倘承惠書乞寄子箴

轉遞蹤跡較易聞也率具不宣

復唐先生書

堯心先生吾師侍史去季抵桂林日卽荷賜書亟問殷
殷然及軍事所以教策之者甚厚軍中鮮暇且不敢妄
以書問通人而事之紛綸尤非可以數行相報僅於致
子實函中坳問興居今季春夏軍中事乃日非同事諸
君大半散去昕宵奏記以孱病之軀獨力當之殆不可
支前月相隨帥節由衡至長望後五日帥印替交旬月
稍獲安閒帥相卽日逮京隨帶文武有 旨交徐帥察
看分別去畱日內未奉飭知日坐危城思歸綦切未識

能否脫然去耳憶自道光十四五年間吾師教授羆城
錫振方爲弟子員溪荷誘掖當時學使楚雄池公志欲
以古人學校之法行之今日吾師於羣相蔽匿之中獨
肫肫然漸以實心實事相應每思楚雄公遺教不妄益
念吾師當時策勵厚心於不可承顧十餘年間粵中人
士之盛其登甲科躋顯仕著名稱者姑不具論卽數年
來各羆邑盜賊譴起其以衿耆躬執干戈倡率團伍各
爲鄉里禦災捍患甚至臨危仗節以書生而投命疆場
所枉有之大抵出於楚雄公之門執謂三代盛時良法
美意之必不可行於今之天下錫振於粵人士受知楚

雄最先而沐教於吾師尤切率踰少壯德不修學不講
名業不能自立當此偏隅小醜蠢蠕致朝廷赫然命
相出師調兵數省籌帑已逾千萬卒至勞師糜餉一季
有餘而賊氛轉肆隳城陷邑前後十餘撲及桂林長沙
兩處省城逆燄鳴張至於此極國家當此大用支絀
百廢未修之日使此么廡橫肆積成大患不知繼其事
者之能否尅期掃蕩以上紆宵旰憂勞下慰閭閻愁盼
中亦藉得稍追前事譬尤帥相蒙恩臯逮錫振等隨
從之員獲免譴責至爲厚倖獨捫心清夜未嘗不痛自
憤恨于庸劣之不能自奮一季餘間負疚隱衷往往事

機坐視誤失之辜之爲不可逭也 國家承平二百餘
年民物恬熙政刑衰弊自嘉慶年間川楚事平各省教
匪餘孽多未盡除及道光初年粵中卽有所稱天地會
者到處流傳至庚辛之歲而 朝廷以申禁鴉片煙致
海夷不靖頗損兵威遂令天主耶教因復煽行各省隱
憂滋大顧其教與前此川楚教徒所習及粵中天地會
皆絕不相蒙且猶以爲其患未卽發也錫振旅病江南
幸而未死庚戌殘冬病起還京道路傳聞粵匪爲亂時
猶以爲潯梧南韶盜風之橫已非一日不過打單開閭
如前者所辦陳亞潯李元發等湘匪云爾大兵一集宜

卽蠲除唯是國家武備久弛軍威不振又當事者於招募團練解散脅從之方多有未悉宵禁之處在京師日屢承當軸以粵之人詢及粵事不揣淺末採錄當時輿論及成事可仿者佗爲數條以塞諏諮其中亦有因當時成局遷就爲說欲使其言之易行者爲前協揆杜公密陳黼座不期逆泉以會匪萬衆特起桂平此與錫振所條陳者情勢固已不同以前所陳乃爲湘匪言之而會匪與游匪之不可以相提並論則固夫人所能知也前帥李公及周權撫軍督辦數月未能有功當時陳奏賊情頑惡亦未淺明其所以然論者徒以事權不一諸

將未能齊心用命以致事機多有誤失 朝廷乃以賽
相樸誠位望素尊命爲督師特賜遏必隆刀以彰寵異
錫振以本部司員隨帶竊於賽公平管未有立談之雅
徒以多言爲人所推又當時隨從十餘人中本最冗末
數欲引辭而鄉人敦勸同儕慫慂旣以桂林邱墓所存
老姊適在每聞盜氛擾逼輒思歸視詎有儼然奉使而
又裹足不肖自前于是公諠私情輾轉于中遂不自知
其非材而勉爲此行而猶謂竊鄉鼠輩大兵圍勦縱不
能卽成不過師勞餉費而又孰知兵戎大事當局一用
不得其人一誤致其事之洩裂至於此極也賊之初起

自於金田洪秀全馮雲山籍皆廣東花縣而浪游於潯之紫荊山一帶雲山先至課蒙爲業於新墟曾姓家平時最狡黠與逆泉雖皆花縣人而實本爲嘉應州種以傳徒習教煽動潯之鄉人其說尊奉上帝謂上帝而外世間一切神佛皆妖卽儒家經傳亦與道釋之言同歸詆斥凡有受其教者非唯不事神佛卽其家之祖考亦自毀滅誘惑旣多氣燄稍熾遂有焚拆隣村社壇等事武宣諸生王伯新曾覺其奸將雲山擒送于官守令不察轉相開釋雲山復出而其黨日盛乃推逆泉爲教主以泉有妖術能於空際與人語問荅如平常妄謂此爲

上帝臨凡命之八世間鄉愚信嚮而楊秀清蕭朝賢最先埶之適賓縣等屬來土之案方與潯龍所屬搜拏陳亞潯餘黨又因金田邨民章正薄有家產因其父老民韋元蚡爲鄉里凌辱遂傾其貲以與秀全雲山藉端起事其始謂聯邨相保以拒差徭之誣犯而已於是賓縣博白象州桂平各鄉所嘗入雲山等教者挈其老幼婦女來歸遂已萬人時方伯勞公觀察楊公皆在潯雲賓新兵四千甫至以之剿捕勢且不敵提督向公方以湖南鎮守勁軍及粵本省兵由郴州慶遠轉戰橫州軍威殊振陶旺索潭匪徒迭就蕩平勞楊兩公飛書亟請赴

潯軍門以潯郡戒嚴所關甚鉅遂不得已捨橫州之賊
以來於潯馬鹿嶺之軍與賊始戰鎮筸兵爲中隊僅足
衝其一面左右滇黔兩隊遽已敗奔蹙其軍械以資於
敵軍門知此賊之未卽辦也于是堅持坐守之策率雲
賓兵同營於馬鹿嶺及賊率衆出撲乃大爲我敗斬馘
數百軍威復整軍門方請于李周兩公添調新兵俟我
軍力稍厚期於一戰有功斯時李公駐柳州周公攜數
百卒至武宣縣城賊撲向營不利乃突從由間道以逼
武宣向軍亦倍道疾馳至武宣城賊猶未至及其前隊
驍悍數千由縣之三里墟而來而向軍已列城外賊遂

相持不敢復進此其當時所以有賊畏向軍一見黑旗
卽走之說傳於四遠也賊於是走寺邨又走廟旺又走
中平百丈向軍僅以數千之衆專力扼其前衝而烏都
統李王等鎮分布四周周撫軍因亦發爲坐戰之說其
實猶本于向未嘗不有所見獨以斯時兵力猶未足耳
羅鏡淩逆之平曷嘗不以此哉賽相之出 朝廷第以
軍前將帥不睦之故爰以上相大臣重其事權冀其威
令足以用衆且賽相之爲人仁廉樸厚頗爲時所稱仰
出都之日中朝士夫屈指而訂期論者或以粵中股匪
太多未可以日月期或謂元戎非濟變才亦未必能卽

時有功顧亦未有料其爲旤之至於此烈也賽公抵粵
以來粵之股匪就平殆已十八九矣獨此會逆兇狡實
異尋常方賽節抵桂林之日而賊適自中平百丈廻竄
紫荆似亦未嘗不稍震疊斯時桂林川湖之兵接踵至
者絡繹赴潯向軍桐木尾賊以至雙髻山下雙髻山者
紫荆之後戶也賊竄紫荆其前路爲新墟斯時烏都統
領滇黔諸軍軍其南以達都統之川兵合之向軍領楚
粵兵軍其北以巴都統之川兵合之達與烏不相能一
戰致敗巴於向雖未有不相愜者而事多爲所牽掣自
向軍攻奪雙髻山賊不敢屯紫荆全數以出新墟斯時

若非巴之憊懼牽掣向軍乘勝卽日遂由雙髻直搗賊之中堅掃其花雷茶地賊集賊將瓦解而渠首可擒也雙髻旣破賊得從容以出新墟於是備北軍倍嚴於備南軍向軍復破風門均以出攻新墟而南路烏軍等營乃尙屯於二三十里之外向乃密陳相帥請飭南路移營進紮半月之久支梧遷延向烏之隙由是遂成賊由新墟復竄而出向軍拔追由北而南繞道數十餘里猶及賊前官村一戰向老憤極意將一鼓而悉殲之此卽嘗在烏營與向爲仇隙者論之未嘗不如是不謂地旣險天復驟雨大不利軍而其預調南路策應之軍又

逾時而不至而使我以屢戰屢捷銳氣方長之兵一挫
幾于全覆此則事機之一大可惱者也竊聞向老自言
生長兵間數十季未嘗見此賊自辨此賊大小亦數十
戰未嘗有此敗于是思合殘敵自保平南縣城憤切之
餘瘁癘然作痢瘡未已胸疽又發自平南數百里纍然
負疾以至桂林進謁於大帥眾未測其意之所欲云何
也而斯時大帥飛章嚴劾接見之餘不容有所陳說飭
令往守昭平小縣眾亦未測其意之所欲云何也向乃
自是病居平樂羈城兩月有餘堅臥不起賊遂得以乘
間而取永安葺爾孤城一副將與其州牧率兵數百及

其城之紳圍守之猶三日而後下奏報中烏都統率追兵數千督先及賊然時已在永安城破數日後矣猶幸劉長兩鎮軍受向教令扼賊于永安城外十餘里之古排墟當賊北路爲桂林屏蔽而烏軍當賊南路駐營文墟又在永安二十里外斯時按察姚公奉大帥令南北兩路總理駐于永荔兩邑交界之新墟竊聞賊之始破永安荔浦民情洶懼其時適有委辦團練之委員王君與其縣尹立招本縣閩勇千餘棄其未定而往撲之此勇皆福建客民素稱強健且與賊仇一經官爲倡率殊甚踴躍九月初三之戰幾復州城惜劉長兩鎮兵未能

助之以成此功當時桂林一日之間數傳永安克復實
由于此不期姚公虛聲土耳其耄昏荒怪與其官民大相
齟齬致令間勇爲之鬩然而散至竟不復爲用此亦事
機之一小可惱者也自是之後南北兩軍各營一二十
里之外日報勝仗動稱搃斬數十百人而實則我軍馳
至見賊卽走賊膽日張而軍威日褻賊踞永安北自龍
眼潭南至草村水竇前後二三十里間襟山帶水高壘
溪溝姚公與南北兩軍非但募如何也直熟未之察耳
朝廷切責寶帥日久曠持自駐陽朔距賊太遠向軍
門以屢邀寄諭必詢於懸其廣西提督員缺以待棄病

甫痊勉力復出大帥亦漸伸羣論慨然界以北軍統率
維時軍民萬衆踴躍以望向軍之捷向老亦殊感激自
奮果自古排前後十餘戰破賊龍潭兩山營壘移軍進
逼直至永安城外三里許之夏陽洞而南軍猶駐軍文
墟也及至大帥親駐夏陽而南軍始圍嶺獨賊溝壘已
成又于飛鸞嶺及塔山等處皆爲礮臺犄角以守我軍
數以力攻賊雖窮伏不出而未能破之方春霖雨彌月
兼旬我軍日夜造置梯衝購覓眼線並以大礮對城轟
擊賊突已自古東山路全數竄出方其將竄前數日間
古東口外黔兵及東勇營盤被賊焚撲請救甚亟時蒙

在大營聞之力慾必以勁兵相應大帥命前鎮軍李瑞
往揆又命向軍以提標勇三千人與之不知何以賊竄
而此軍已先調回也古東亂山叢祿單邊一徑在上山
下澗之賊由此鋌奔實灰地果及其竄而擊之賊可滅
于此也賊二月十六之夜已竄原駐守兵寡而久疲爲
所衝潰我軍追者至十八日及之山峽之中斬馘實踰
千數賊之後隊已盡第其前隊及賊酋先行已出山峽
之險而屯集于山崗數村落間南西北面皆荒山峻絕
唯東一面路通昭平小縣賊可往得顧得亦不過一永
安耳我軍前後合圍相機進搗彼勢日窮而我軍日銳

卽昭平可不使得據賊計算能施矣而烏軍輕于一進
 當數日夜雨水湍滑山蹊險惡之間士卒日夜饑疲困
 乏之後貿焉與此窮寇扛迫于有進無退之地使賊得
 以逸待我之勞猝然大挫四鎮皆亾我軍損折數百賊
 氣又復大熾永安半載合圍蒼精蓄銳之功慶于一旦
 此又事機之大可憐而尤堪爲痛哭者也至若桂平良
 勇之往守天平嶼過期不至荔浦練勇之久屯草峒關
 忽已被裁省城九塘天險之遠築臺置礮不能禦賊而
 轉爲賊所得顛倒鎔失不堪悉數于是賊由荔浦直撲
 桂林矣桂林當時實未有備幸而獲全不爲賊陷實由

向老倍道疾趨先賊而來數旬守禦之功此夫人知之
吾師諒亦稔之矣賊去桂林而撲全州州牧曹君亦僅
有兵數百名耳能與城之士民嬰守十餘晝夜賊攻此
城喪失尤多不可謂非健者率至孤城力盡陷屠被毆
最烈當時領兵赴援之人擁數千衆而能力救卽發
兵往援之人亦僅千數千衆而不思力救此其爲臯豈
容擢髮賽帥以向軍門之病擇于諸將而使和鎮軍復
領省城餘兵數千往統全軍逮其至全城守已失和君
卽日移營城北當賊之衝賊卽棄城思遁而爲我軍圍
逼又於河面預置椿杙阻其駛竄簑衣渡之戰賊屍蔽

江自燃其船邊其輜重婦女倉皇東奔爲賊從來未有之憊獨憺東岸餓兵一路致賊又脫耳方張國樑之勇四千餘衆自南邕至陽朔時錫振適從帥節駐彼一聞賊自桂林復竄卽命此勇由陽朔取道恭城灌陽以尅全邕此東岸之路也計其自陽朔行至是已一月期而何不至及賊走矣而三日又至此皆所不能解者事已往矣又何責焉此又事機之一大可惜而可爲太息者也于是賊方自粵而竄楚矣楚邊諸郡邑爲向李耶匪叢集之區道光二十七八年間李沅發李嘉耀等皆由楚而侵粵而誦習符咒持齋結會之徒九眾元季衡州

拏獲左家發卽稱與逆泉聲息相通楚督程公防堵經
率於沿邊險要之處未聞有所布置經營賊一至境相
距尙數百里卽由衡州捲旆返走長沙楚省民情大爲
惶惑賊旣於簑衣渡大徧之餘前不得逞而後復不能
有所駐足不得已而旁竄道州由永至道百里之間雙
排蛇陂等處險隘幾與古東相等使有精銳數百前後
夾而攻之賊可立盡而永州守將庸懦不敢一兵發追
道州文武亦不敢一兵出擊俾賊得以從容踰險而取
州城及和鎮等兵及賊而道州又已儼然雄據楚邊羣
匪斬木揭竿起而應者東安甯遠皆然雖卽時撲滅而

千百爲羣往歸賊者不一而足和鎮始亟遣州猶謂其
城攻克易於永安及周歷之而知其不然其所領兵雖
及萬數率皆由粵以來漸形疲乏圍攻一月未能有功
楚省又復續調新兵數千比其將集而賊又遁由是嘉
禾桂陽連城不守郴州匪黨尤多又產硝磺賊踞月餘
又遣其黨分撲長沙所過永興安仁攸縣醴陵又復連
陷其間我兵此扼彼竄大抵賊之前後皆其裹脅而次
黨數千居其中間是以我兵迎擊其前或追躡其後者
間有斬擒甚至盈千累百不過此等老弱流亡非於事
機有關也賊之始至長沙分黨未多而我城中兵勇數

千未能及其勢分而先殲之又陝甘新兵駐於城外被賊一到卽行計陷歿亡甚眾是時賽帥駐營衡州催督各路援軍俱集而賊之大夥又由郴續至向老維時亦由桂林奉帥營檄調而來賊自桂林全州兩處攻城未遂頗重傷其驍悍乃至長沙專欲計攻所踞南城外數里民居其地穿穴殆遍南城數被穴遁用藥轟塌我兵堅守得完唯賊大夥一到分踞西岸嶽麓山腳一帶將十餘里村莊我大兵全集東岸已成長圍而西岸圍紮未易卽周向軍僅以五千餘卒駐其西北之漁網洲而已賽帥蒙恩臯逮適徐帥由粵以來所帶粵之兵勇六

千餘人又福建新兵亦到三千合共萬人以之長圍西岸勢已足用向老力陳圍定後剿之策徐帥亦頗謂然獨於我未圍定之先蒙堂擬以簡出奮勇精兵三千餘名分爲數隊預伏長沙甯鄉百里之間賊由此竄則循環相替節節而擊之賊知我伏而不復竄則我適得以從容圍紮徐圖進剿之策或竟困之使其自斃而竟不能從此錫振所面陳於向老而又嘗致書于徐帥大營浼人密達于帥前者何期閩粵之軍圍紮未成而賊又已從容去也徐帥到衡受印至此將一月卽其由衡前至湘潭亦半月而粵閩之兵到長沙西岸且數日矣向

謂徐制軍之爲人沈毅有謀而此次衡湘及閩粵兵之移營未能奮迅則雖有欲爲之諉其過而未從者此又事機之一大可憐而可爲痛哭不知其旣將胡底也軍旅之事錫振誠所未諳而將不知兵兵不習將鄉團不整則民心未固而賊之所至望風奔潰矣招勇不精則士氣多襍而賊之所向爭爲避趨矣賞罰不能立予破格之恩威則軍民感激畏憚之心不生費帑已踰千萬大都虛糜任其事者但以廉潔自明而殊不知所以預爲樽節之法又其初務爲寬大使人得之視爲固然不知感奮其繼窘于發給使人不得又將觝望而使國家

匱乏後將不知所繼主帥本不能謀而又多疑忌多失人心當事勢日益艱則智計日益絀凡此皆軍行所大忌者也賊爲會黨其心堅而氣悍又如事卽踰萬眾恃其強橫加以狡譎尤能忍久其戰能包抄伏應守以高牆深溝迥異其他賊顧其長伎亦不過爾而我之守戰愈弛則彼之智力愈張卽如方今賊在甯鄉益陽之間我軍偵揆多不確而軍令又不嚴以致追兵歧出或由湘潭或由湘鄉獨向老一軍數千人及賊耳其果能繫之使不得前以待諸軍之及邪抑其前州邑能遂拒敵使不得逞邪賊固徜徉從所欲爲而已嗇人有言天下事

容幾誤平賊躡楚粵所至如是使其再前恐茲有求如
楚粵而不能者卽皆如楚粵而此旣其將何所底也志
曰圍師必闕又曰先三伏設而後解圍錫振自隨營來
卽持此議迄未能行雖日在軍中帷幄之間不過謹職
牋奏而已事之有所見而能言者已十二三言之而能
行者則尠知其能十二三否那一季餘間獨媿未能浚
然去耳然當事局一壞同行大半引去則又何能去就
與巧於趨避者同矧至主人就逮而錫振等猶得脫然
不罹譴責卽屬至幸尙何敢致怨于吾謀之不用耶以
吾師之親愛至隆所以未能一二默未可爲人道也錫

振前在京師所條陳不過爲辦游匪如往時粵中所稱
天地會諸痞棍之徒策耳以辦此賊情勢固已不同然
其中如整軍威勸鄉團等條何嘗不足用楚省鄉團遠
遜吾粵賊至而脅從之眾與城邑之不能守率由于此
當賊撲桂林過六塘時距賓鄉不數里以大岡堡數鄉
團練千餘之眾嚴爲之備賊卽不敢犯以此見其事之
大可爲也承平久矣百度廢墜非唯民不知兵卽兵亦
不知兵四方所徵調者平時本未教練卽臨時亦未一
簡閱如塗附然其有一二稍知行律非但不與之熟謀
又從而猜忌之人心如此天運可知其奈之何錫振平

已逾壯碌碌靡所成就茲行尤自慚慙不知所以覆茲
追維曩管楚雄公與吾師期許之心中夜起立頽顏汗
背旅京師後散冗依然將欲引去而四方蹙蹙不知所
騁人生勢位富厚蚤已付之冥溟唯祖父單傳隻身孑
然而未有後當茲擾攘蕭然數口不知所歸吾師聞此
何以爲我策之子實禮闈能否卽行甚相跂盼承吾師
書問經年未荅時歉於中行將北旋覩縷此書屬有鄉
人避亂者歸途經此坵達左右鄉中四境輟安天氣漸
寒伏唯起居萬善不宜

上壽陽師相書

日進見蒙叅詢軍事諳然大諭以所言覲縷及或未盡之處條列以陳連日邸抄竊見武昌蕩易又相繼陷憤切于中竊以身從行役將及兩載而賊未平迹微鳴張一至此極當賽帥長沙被逮之日嘗自忿恨擬請畱營以爲身在行間不能破賊雖自卑尊能比數分歿軍中不欲覲顏歸也獨先世祖父軍傳及振之身而未有後每於軍中瘁病之餘一念及此恆自惴惴未能輒忘以是隱忍累然而歸自維謫劣忝居門下風邀知遇踰於泛常出佐粵軍心與事違又復尺寸未能自樹狼狽而歸衆蒙寬優不棄鄙夷轉復殷然加之諮度此宜何

如感激披瀝以靳得當於百一者顧當時事之艱竊恐
一二所陳未必能遂有所裨益誼不獲已謹卽縑所見
聞佗爲軍中忌宜及防堵之要八條詮次不文書寫麤
率唯有以採擇而教誨之幸甚

一我軍忌多戰與急戰夫兵勇及賊坐視賊之營築甚
至任其從容他竄此情形之尤堪痛恨者也然使兵一
及賊貿焉與戰未有謀算鮮得利者甚且傷亡日多則
軍心餒而賊氣轉張矣當賊守備方堅我軍奉令肉薄
先登此皆吾軍之英千百之中或數人或數十人一有
損折其餘更怯而不前矣唯 朝廷寬爲督責專其機

權于將帥將帥慎爲謀畫養其精銳于士卒不務計期
浪戰報勝以塞責不事尅期督戰徼倖以成功當茲武
備久弛平時未嘗訓練亦必臨事加之簡閱使將卒羣
相講求於坐佗進退之方務使吾軍出戰人人皆知其
所以然耳目膽識自然齊一大謀既定同力同心斯一
戰而大功可成卽不然而一戰有一戰之利我軍自化
怯而爲勇矣

一我軍宜審機事不當其可而勉強用力希圖意外之
獲非徒無益而又有損如前此圍賊永安及賊據長沙
城外之時逐日攻勦非但無所掄戮卽有掄戮亦豈能

得其要領哉此等時其用命者不能有功賞不勝賞不
賞則人不鼓舞其不用命者亦未嘗貽誤誅不勝誅不
誅則人不畏懼軍令日褻軍威且日弛矣古東甯鄉之
竄我軍不能併力擊之以平日旣疲於屢戰臨事又不
能踴躍用命也賊據地善守未易攻奪唯向不灰踞一
地卽踞亦不過委之其地土匪此易與耳雖武漢雄都
意賊猶將顧而之佗 朝廷責成當事必籌一如何能
了此事之策以待可乘之機或俟其隙而攻之或因蹙
而擊之或困之于檻穽之中而使之不復能出平時聽
其從容布置臨事則如雷霆風雨禁止令行縱一爲之

不成及于再三有不破賊者邪

一我兵宜策應賊不輕出戰每出必有包抄埋伏我軍則各營統計若干按成出隊若干出則均出其不出者則真不出者矣賊覘我之虛實一目瞭然當其分隊互相抵拒彼之包抄埋伏一出則我無有策應之者卽於各隊調度策應其氣先奪其勢已挫矣宜於出戰之時我軍簡齊精銳預備策應斷不可以全軍一出而盡至於進攻賊巢及賊竄時追勦截擊尤須預爲策應之軍先期撲確徑途申明期約如賊竄所必由之路預爲伏兵數處俟其賊皆及其輜重婦女藥輿張蓋從容而過

急擊勿失乃可有功第此等兵尤須平時擇出勁旅陰
以生灰結之又以勇略將領統習而後臨時乃可指揮
如意所謂大將軍必有私人者也或一戰而成功或數
戰而後能成功其兵可勝亦復可敗賊卽兇橫及遇數
伏未有不匹魂喪膽逃固失勢者古善用兵莫不以此
賊至此時驕肆極矣用之儻其時耶

一我兵宜合謀全軍將士唯大帥能陶冶而調劑之臨
事密謀大帥運之一心復與羣僚謀之與諸將領謀之
然與全軍兵勇謀之使自偏裨以至厮養皆出其心思
聞見以相參合而帥心所運則又有一軍所不能悉喻

者或與其親任一二人密籌至將率之所有事則務使人各能明其所以然軍前將領向提督威望冠一軍乃軍門自言少時隨楊忠武麾下忠武賞其誠樸勇往而歎其不知將略大抵猶是勇而寡謀耳其次如總兵和春常祿秦定三副將鄧紹良瞿騰龍叅游以下至于千把韓世禧米興朝朱占鰲全玉貴張國樑傅振邦等皆將材也總兵和春實於諸將爲優爲其差有識耳軍門亦晉稱之張國樑本出投誠亦能用譎唯賊之兇狡似猶非數人智勇所能勝者且運謀必在帥心然後全軍可得指臂之效長沙易帥徐宮保與向軍門皆欲圍定後

勦所見適同惜圍紮未成而賊竟已窺之復竄長沙賊
竄必由甯鄉夫人皆能知之而竟未能設伏要擊此賊
合未亾也粵盜如毛唯羅鏡賊凌十八股亦屬會匪伎
倆情形略與此賊相似徐葉二公亦以圍勦平之聞羅
鏡合圍數月至賊糧盡僅以稗子充饑我軍猶未進攻
此賊窮急出撲數次均被擊回然後撥由一路三次進
躡而後成功徐公軍令頗嚴當時在事文武奉其教令
唯謹葉公繼事亦能用其成畫不妄更張而持之益堅
此其謀之所以成也洪逆之黨較大於凌逆然當在永
安道州時勦之之法亦草有善於此者惜當時賊踞皆

能得地我軍長圍人力有未足長沙地勢可圖人力亦
已足用稍一遷延賊又免脫要皆誤於爲謀之不早也
不意長沙復竄一陷巴岳再陷溇陽武昌免燄遂如此
大張也據地夏大裹脅必夏多圍勦之法非復從前之
可比矣非易一地而困之則及其再竄而預謀伏擊詔
曰好謀而成是在軍前之主其事者而已